



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.74/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Hajriz Hoti kryesues, Bujar Muzaqi dhe Violeta Rugova Husaj, anëtarë, duke vendosur përkitazi me ankesën e ankuesit [REDACTED] me vendbanim në Zvicër, të parashtruar kundër Komisionit Qendror të Zgjedhjeve, me seli në Prishtinë, për shkak të mos përfshirjes në Listën Përfundimtare të Votuesve Jashtë Vendit për Zgjedhjet Lokale në Republikën e Kosovës, që do të mbahen me datë 12 Tetor 2025, në seancën e panelit të mbajtur më datë 01.10.2025, merr këtë,

V E N D I M

Refuzohet si e pabazuar ankesa e parashtruar nga [REDACTED] ZL.Anr.74/2025, e datës 28.09.2025, me të cilën ka kërkuar përfshirjen në Listën Përfundimtare të Votuesve Jashtë Vendit për Zgjedhjet Lokale në Republikën e Kosovës, që do të mbahen me datë 12 Tetor 2025.

A r s y e t i m

Më datë 28.09.2025, PZAP-i, përmes emailit zyrtar ka pranuar ankesë ZL.Anr.74/2025 nga [REDACTED] kundër Komisionit Qendror të Zgjedhjeve (KQZ), për shkak se i njëjti kërkon të jetë i regjistruar në listën e votuesve jashtë vendit për Zgjedhjet Lokale, që do të mbahen më datë 12 Tetor 2025. Dokumentet e paraqitura si prova: dokumentet personale të parashtruesit të ankesës. Parashtruesi i ankesës kërkon nga PZAP-i, që ta pranojë këtë ankesë si të bazuar dhe të ligjshme dhe të lejohet që të votoj në Zgjedhjet Lokale, që do të mbahen më datë 12 Tetor 2025.

Në përgjigje në kërkesë KQZ-ja, ka theksuar se afati i ankesave ka përfunduar më datën 5 Shtator 2025, ndërsa KQZ ka certifikuar listën e votuesve brenda dhe jashtë Kosovës më datën 6 Shtator 2025. Tutje, KQZ shton se shërbimi për votues ka shqyrtuar aplikimin dhe aplikuesi është njoftuar përmes email-it, në email adresën e dhënë gjatë aplikimit [REDACTED] për refuzimin e aplikimit të tij më arsyen e aplikimit; “Mungon dokumenti që dëshmon adresën e banimit”, meqë gjatë aplikimit nuk ka bashkangjitur dëshmi që dëshmon adresën jashtë Kosovës, sikurse është përcaktuar në rregulloren sikurse përcaktohet me nën paragrafin 4.4 të nenit 3, të Rregullores Zgjedhore Nr.04/2025, Regjistrimi dhe Votimit jashtë Kosovës, ku thuhet se aplikuesi fotografon dokumentin që dëshmon adresën e votuesit jashtë Kosovës, sikurse në nën paragrafin 4.1 KQZ, sqaron se pas refuzimit të kërkesës për regjistrim ka njoftuar aplikuesin për arsyen e refuzimit dhe të drejtën e ri-aplikimit deri më datën 29 Gusht 2025. Sipas KQZ-së gjatë periudhës së kundërshtimit administrativ nga [REDACTED] nuk kanë pranuar asnjë dëshmi në email adresën [kundërshtimi.vjk@kqz-ks.org](mailto:kundershtimi.vjk@kqz-ks.org) e KQZ-së.

Paneli, pas shqyrtimit të ankesës së parashtruar nga ankuesi, provave të cilat gjinden në shkresat e lëndës, dhe përgjigjes së dhënë nga KQZ, vëren se ankesa është e pabazuar.

Paneli e vlerësoj lejueshmërinë e ankesës dhe ka ardhur në përfundim se e njëjta i plotëson kushtet e përcaktuara me nenin 98 paragrafi 3 të Ligjit NR.08/L-228, për Zgjedhjet e Përgjithshme në Republikën e Kosovës, si dhe në nenin 4 të Rregullores për Procedurat e Parashtrimit dhe Vendosjes së Ankesave.

Paneli, pasi shqyrtoi lëndën, provat e bashkangjitura dhe përgjigjes në ankesë vëren se ankesa është e pabazuar, për faktin se parashtuesi i ankesës gjatë aplikimit të tij për regjistrim për votim jashtë Kosovës nuk i ka plotësuar kriteret e kërkuara sipas paragrafit 4, pika 1 të nenit 3 të Rregullores Zgjedhore Nr. 04/2025, Regjistrimi dhe Votimi Jashtë Kosovës të KQZ-së, në të cilin është përcaktuar se “4. Kërkesa për regjistrim përmes platformës elektronike të KQZ bëhet si në vijim: 4.1. Plotëson të dhënat e adresës së banimit jashtë Kosovës: shtetin, kodin postar, qytetin, emrin e rrugës, numrin e banesës apo shtëpisë; 4.2. Plotëson email adresën personale dhe numrin e telefonit mobil personal; 4.3. fotografon njërin prej dokumenteve identifikuese të lëshuara nga Republika e Kosovës, si letërnjoftim, pasaportë ose patentë shofer, duke mos përjashtuar dokumentet me afat të skaduar; 4.4. fotografon dokumentin që dëshmon adresën e votuesit jashtë Kosovës, sikurse në nën paragrafin 4.1...”.

Nga shqyrtimi i shkresave të lëndës dhe përgjigjes së Komisionit Qendror të Zgjedhjeve (KQZ), Paneli vlerëson se parashtuesi i ankesës, gjatë aplikimit për regjistrim për votim jashtë Kosovës përmes platformës elektronike të KQZ-së, ka bashkëngjitur dokumentet e kërkuara, përkatësisht: fotografinë e letërnjoftimit të Republikës së Kosovës, një dokument të identifikimit të Konfederatës Zvicerane. Megjithatë, nga verifikimi i këtyre dëshmimeve paneli vëren se dokumenti i adresës së banimit ishte i pallexueshëm dhe se ai dokument nuk mund të identifikohet asnjë e dhënë që vërteton adresën e banimit të aplikuesit jashtë Kosovës.

Në këto rrethana, Paneli vlerësoi se parashtuesi i ankesës nuk ka plotësuar njërin nga kriteret thelbësore të përcaktuara në kuadër të procesit të regjistrimit për votim jashtë vendit, konkretisht kriterin që lidhet me dëshminë e adresës së vendbanimit të aplikuesit, kriter ky i përcaktuar shprehimisht me nenin paragrafin 4, pika 1 të nenit 3 të Rregullores Zgjedhore Nr.04/2025 Regjistrimi dhe Votimi Jashtë Kosovës, të nxjerrë nga KQZ.

Prandaj, nga arsyet e theksuara më lart si dhe duke u bazuar në dispozitat e nenit 117 paragrafi 3, 118 paragrafi 1, neni 119 paragrafi 3 të Ligjit Nr.08/L-228 për Zgjedhjet e Përgjithshme në Republikën e Kosovës, lidhur me neni 3 paragrafi 4 pika 4.1, e lidhur me paragrafi 5 pika 5.3 e Rregullores të sipërcituar, dhe në bazë të Rregullores Nr.01/2025 për Procedurat e Parashtrimit dhe Vendosjes së Ankesave, Paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

ZL.Anr.74/2025, datë 01.10.2025

Kryesues i Panelit

Iliriz Hoti

Prishtinë / Pristina

Këshillë Juridike; kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.